



Äs härzlechs Wiukomme z'Hindubank!

Mir si dr Jodlerklub Mötschwil. Derby si Manne u Froue vo hie u der Umgäbig, wo aui gärn tüe singe u ä Uszyt vom Alltag sueche. Zfrie de ha, wei mir's u drum isch üsi Vereins-Agenda nid graglet vou. Zäme teile mir d'Fröid am Jodulied u z'Singe.

D'Mötschwil Jodler hei ihre Ursprung im Nachbar-Dorf. Di beide Gmeinde, Hindubank u Mötschwil, hei sich 2021 zämegschlosse. Värbunge si mir Jodler scho länger mit Hindubank. Hei mir doch hie üses Probelokal, Jahreskonzert u ou süsch si mir hie chli Daheim. Traditionell isch üses Trachtegwand u üses jährleche Zwirbele z'Mötschwil im Ougschte. Fescht zum Jahresprogramm ghört ou di gmeinsami Reis, s'Konzert u di gsanglechi Umrahmig vom Ärntedank-Gottesdienscht.

Üses Probelokal isch z'Chiuchgmeindhuus z'Hindubank u mir tüe jewyls am Dsichti Abe 20.15 Uhr probe. Im Aschluss hocke mer zäme zum gmüetleche Teil.

Würds di gluschte bi üs cho mit ds mache? Mir fröie üs, über nöi Stimme u Gsichter. Du muesch weder gsanglechi Kenntniss ha, no ä Tracht oder ä Mutz bsitze. Das chasch aues bi üs erwärbe.

Itz wünsche mir dir äs guets yläbe z'Hindubank!

Eis vo üsne Lieblingslieder, wius ä jedem vo üs so cha ga: *Vom wärche müed, däich i am Abe, wenn i doch hüt nid müessti ga. Stah i de aber i dr Reihe, vo mine Jodlerlüt i d'Mitti gno. De bini froh, cha i no singe. Ha Fröid wenn's klingt im ganze Chor. Das cha nur schöns i Alltag bringe, ha mängi Melodie im Ohr.*

s'Jodlerhärz von Walter J. Stadelmann



Kontakt: jkmoetschwil@bluewin.ch
Presidänt Marc Leuenberger 076 488 55 04
www.jk-moetschwil.ch